SFS nr: 2009:600

Departemeente/åejvieh: Kultuvredepartemeente

Rubrigke: Gïelelaake (2009:600)

Buekteme: 2009-05-28

Laaken sisvege jih ulmie

1 § Daennie laakesne leah njoelkedassh Sveerjen gïelen bijre, daj naasjovne unnebelåhkoengieli jih Sveerjen tjaatsegïelen bijre.

Laakesne dovne leah njoelkedassh åejviej dïedti bijre guktie fïere guhte galka

gïelem åadtjodh jih gïeleåtnoen bijre byjjes barkoesijjine jih gaskenaasjovne tsiehkine.

- 2 § Laaken ulmie lea Sveerjen gïelen jïh jeatjah gieli tsiehkiem jïh åtnoem vuesiehtidh Sveerjen sïebredahkesne. Laaken ulmie aaj Sveerjen gïelem vaarjelidh jïh dam gelliengïelen Sveerjem dovne dan akten nuepiem edtja gïelem åadtjodh.
- 3 § Jis jeatjah laakesne jallh öörnegisnie lea njoelkedasse mij daehtie laakeste sveehkeste, dellie dihte njoelkedasse faamojne.

Sveerjen gïele

- 4 § Sveerjen gïele lea åejviegïele Sveerjesne.
- 5 § Åejviegieline dellie Sveerjen gïele lea sïebredahken ektiegïele, dïhte gïele maam gaajhkesh mah Sveerjesne veasoeminie gelkieh åadtjodh nuhtjedh jïh

mij galka åtnasovvedh gaajhkine sïebredahkedajvine.

6 § Åejvide lea joekoen dïedte Sveerjen gïele edtja nuhtjesovvedh jïh åvtanidh.

Naasjovne unnebelåhkoengïelh

7 § Naasjovne unnebelåhkoengielh leah Såevmien giele, jiddisch, meänkieli, romani chib jih saemien.

8 § Åejvide joekoen dïedte gelkieh dejtie naasjovne vaenielåhkoengielide vaarjelidh jïh evtiedidh.

Sveerjen tjaatsegïele

9 § Åejvide joekoen dïedte gelkieh Sveerjen tjaatsegïelem vaarjelidh jih evtiedidh.

Gïelem utnedh byjjes barkoesijjine

10 § Sveerjen gïele lea gïele dåapmastovline, reeremenåejviej luvnie jïh jeatjah åårganine gusnie byjjes barkoesijjieh.

Jeatjah laakesne leah njoelkedassh reaktaj bijre åadtjodh naasjovne unnebelåhkoengielh utnedh jih jeatjah Noerhtelaanti gielh.

Dåapmastovli jih reeremenåejviej diedten bijre galkedh toelhkem öörnedh jih tjaalegh jarkoestidh dellie sjiere njoelkedassh.

11 § Gïele byjjes barkoesijjine dïhte galka tjïelke, sïejhme jïh guarkijes.

12 § Åejvide joekoen dïedte Sveerjen gïelen terminologijh joekehth faagedajvine leah jaksoes, edtjieh åtnasovvedh jih åvtanidh.

Sveerjen gïele gaskenaasjovne tsiehkine

13 § Sveerjen gïele lea Sveerjen byjjes gïele gaskenaasjovne tsiehkine.

Sveerjen gïelen tsiehkie byjjes gieline galka vaarjelidh Europan Unionesne.

Dan akten reaktah gïelem utnedh

- 14 § Fïere guhtese mij Sveerjesne veasoeminie dïsse galka nuepie Sveerjen gïelem lïeredh, nuhtjedh jïh evtiedidh. Dïsse lissine galka
- 1. dïhte mij naasjovne unnebelåhkoen almetjetjïertesne dïsse galka nuepie dam unnebelåhkoengïelem lïeredh, nuhtjedh jïh evtiedidh, jïh
- 2. dïhte guhte mij bieljehtadtje jallh govlenarhken jïh dïhte mij jeatjah sjïeken åvteste tjaatsegïelem daarpesje dïsse galka nuepie dam Sveerjen tjaatsegïelem lïeredh, nuhtjedh jïh evtiedidh.

Almetje gïen jeatjah ietniengïele goh gïelh mah voestes boelhketjisnie moenesovvin dïsse galka nuepie altese ietniengïelem evtiedidh jïh nuhtjedh.

15 § Åejvide dïedte guktie dïhte akte galka gïelem åadtjodh nimhtie guktie 14 § jeahta.